

草木典第二十四卷

禾穀部紀事

路史神農氏生三辰而能言五日而能行七朝而齒具三歲而知稼穡般戲之事必以黍稷日於淇山之陽求其利民宜久食之穀而莝之天感嘉生菽粟誕荅爰求收拾剛壤地而時焉已則厘牟五子偕至神農灼其可以養民也於是因天之時分地之利墾土墾穢燒櫟埽野以教天下播種嗣瓜蓆之實而省殺生之敝始諸飲食烝民乃粒櫟音豫若天命正氣節審寒暑以平早晚之期謂人之生太倉爲主而太倉穀爲主天下萬物亡以易於穀於是斲木爲耜揉木爲耒跣髮跋荒野制畝清剛分龍斷而戒之耕然後六穀穰以供衆盛而給軍國跣音年之詠於是神農漢嘉穀萬乃命屏封作穗書以同文攷令

月令疏神農之治天下也甘雨以時百穀蕃殖

賈誼書神農嘗百草之實察鹹苦之味教民食穀

拾遺記炎帝時有丹雀銜九穗禾其墜地者帝乃拾之以植於田食者老而不死

路史炎帝柱神農子也七歲有聖德佐神農氏殖百蔬區百穀別其疏邀深耕聖作以興歲天均時而地均財於是神農之功廣而天下殷賑矣亦曰列山氏五帝以來稷之

黃帝有熊氏命桓常審乎地利以爲常平於是地獻草木乃述耕種之利奢比辨乎東以爲土師而平春種角穀論賢列爵勸耕饁禁伐厲庸光辨乎南以爲司徒而正夏種芒穀修馳戒僂發宿藏靜居農以戒力以宛夏功種房穀以應戊己之方大封辨乎西以爲司馬玩異禽種遂穀收穀薦祖組甲厲兵戒什伍以從事后土辨乎北以之李原本恐有訛行冬斷罪種稜穀剝箭伐木乃勞農始獵殺按

注角穀藁豆芒穀小麥房穀麻遂穀麥金穀故秋種夏死收穀菽水穀黍火穀見金而成也稜穀以下無註

自遂穀麥以下原本恐多訛字

大戴禮黃帝播百穀草木節用水火財物生而民得其利百年民畏其神百年亡而民用其教百年故曰三百年

史記五帝本紀黃帝考定星曆立五行民神易業敬而不黷故神降之嘉生也嘉穀也

路史帝嚳高辛氏上妃有駘氏曰姜嫄清淨專一而好稼穡生弃性數而仁戲惟稷黍長研耕稼爲

唐天官及事虞夏以耕織爲本教發菑糞土別五土之宜教民時藝嘉穀致飴有相之道虞帝乃國之釐號后稷勤百穀而山死取姑人是生釐蠶世濟其德釐蠶生叔均是代其父及稷播穀是爲田祖自商以來祀之世爲后稷

帝堯陶唐氏命弃爲大田職司命播穀嘉辨五土之宜教民稼穡

書經虞書舜典帝曰棄黎民阻饑汝后稷播時百穀

夏書禹貢五百里甸服百里賦納總二百里納銓三百里納秸服四百里粟五百里米按蔡注禾本全曰總刈禾曰銓半藁也半藁去皮曰秸謂之服者三百里內去王畿最近非惟納總銓秸而又使之服輸將之事也獨於秸言之者總前二者而言也粟穀也內百里爲最近故并禾本總賦之外百里次之只刈禾半藁納也外百里又次之去藁麤皮納也外百里爲遠去其穗而納穀外百里爲尤遠去其穀而納米蓋量其地之遠近而爲納賦之輕重精麤也

禮含文嘉禹垂意於溝洫百穀用成

周書金縢秋大熟未穫天大雷電以風禾盡偃大水斯拔邦人大恐王出郊天乃雨反風禾則盡

起二公命邦人凡大木所偃盡起而築之歲則大熟

尚書大傳成王時有苗異莖而生同爲一穗大幾盈車長充廂人有上之者王召周公而問之公曰三苗爲一穗抑天下其和爲一乎果有越裳氏重譯而來

史記魯世家唐叔得禾異母同穎獻之成王成王命唐叔以餽周公於東土作餽禾周公既受命禾嘉天子命作嘉禾

拾遺記成王卽政五年有因祇國之去王都九萬里貢嘉禾一莖盈車故時俗四言詩曰力勤十頃能致嘉穎

穆天子傳天子西征至於赤烏之人曰^缺山是惟天下之良山也寶玉之所在嘉穀生之草木碩美天子於是取嘉禾以歸樹於中國天子至於重醴氏黑水之阿爰有野麥爰有荅藟西膜之所

謂木禾重醴氏之所食

左傳隱三年夏四月鄭祭足帥帥取溫之麥秋又取成周之禾

管子小問篇桓公放春三月觀於野桓公曰何物可比於君子之德乎隰朋對曰夫粟丙甲以處中

有卷城外有兵刃未敢自恃自命曰粟此其可比於君子之德乎管仲曰苗始其少也胸胸乎其
儒子也至其壯也莊莊乎何其士也至其成也由由乎茲勉何其君子也天下得之則安不得則危
故命之曰禾此其可比於君子德矣桓公曰善

史記齊桓公欲封禪管仲曰今鳳凰麒麟不來嘉穀不生而蓬蒿藜莠茂鴟梟數至而欲封禪毋乃
不可乎

左傳襄十九年季武子如晉拜師晉侯享之范宣子爲政賦黍苗季武子興再拜稽首曰小國之仰
大國也如百穀之仰膏雨焉若常膏之其天下輯睦豈唯敝邑賦六月

穀梁傳襄公二十四年大饑五穀不升爲大饑一穀不升謂之暵二穀不升謂之饑三穀不升謂之
饉四穀不升謂之康五穀不升謂之大侵大侵之禮君食不兼味臺榭不塗弛侯廷道不除百官布
而不制鬼神禱而不祀此大侵之禮也

禮記檀弓季子臯葬其妻犯人之禾申詳以告曰請庚之子臯曰孟氏不以是罪予朋友不以是棄
予以吾爲邑長於斯也買道而葬後難繼也

喪服小記昔者魯哀公祖載其父孔子問曰寧設五穀囊乎公曰不也五穀囊者起伯夷叔齊不食周粟而餓死首陽山恐魂之飢故作五穀囊吾父食味含哺而死何用此爲

拾遺記燕昭王時有白鷺孤翔銜于整礎礎於空中自生花實落地卽生根葉一歲百穫一整滿車故曰盈車嘉礎

孔叢子執節篇魏王問子順曰寡人聞昔者上天神異后稷而爲之下嘉穀周以遂興往中山之地無故有穀非人所爲云天雨之反亡國何故也答曰天雖至神自古及今未聞下穀與人也詩美后稷能大教民種嘉穀以利天下故詩曰誕降嘉種猶書所謂稷降播種農殖嘉穀皆說種之其義一也若中山之穀妖怪之事非所謂天祥也

史記留侯世家留侯性多病卽導引不食穀杜門不出

桓譚新論世俗咸言漢文帝澤加黎庶穀至石數錢

漢書食貨志宣帝卽位用更多選賢良百姓安土歲數豐穰穀至石五錢

宋書符瑞志漢宣帝元康四年嘉穀元稷降於郡國

述異記漢宣帝時江淮饑饉人相食天雨穀三日尋魏地奏亡穀二十頃

博物志孝元竟寧元年南陽陽山郡雨穀小者如黍粟而青黑味苦大者如米豆而赤黃味如麥下
三日生根葉壯如大豆

漢書郊祀志王莽篡位興神仙事種五梁禾於殿中各順色置其方面先鸞鶴醢毒冒犀玉二十餘
物漬種計粟斛成一金言此黃帝穀仙之術也 莽使中郎平憲誘羌還云天下太平一禾長丈

餘故乞內屬

袁宏漢記赤眉亂後關中大饑黃金一觔

穀

後漢書光武本紀論曰皇考南頓君初爲濟陽令以建平元年十二月甲子夜生光武於縣舍有赤
光照室中欽異焉使卜者王長占之長辟左右曰此兆吉不可言是歲縣界有嘉禾生一莖九穗因
名光武曰秀

馬援傳援轉遊隴漢間嘗謂賓客曰丈夫爲志窮當益堅老當益壯因處田牧至有牛馬羊數千頭
穀數萬斛旣而歎曰凡殖貨財產貴其能施賑也否則守錢鹵耳乃盡散以班昆仲

風俗通建武之初旅穀彌望野蔣被山

東觀漢記建武二年天下野穀旅生麻苽尤盛

建武初穀食尙少趙孝得穀炊將熟令弟禮夫

妻出比還孝夫妻共蔬食茹菜禮夫妻來輒獨飴之積久禮心疑恠後伺掩見亦不復肯出兄弟怡怡鄉里歸德

論衡建武三十一年陳留雨穀蔽地視穀形如米而黑此外國地所生穀也外國不食穀生於草野成熟委於地遭疾風飛穀集中國中國見之謂天雨穀

後漢書耿純傳純封東光侯辭就國帝曰文帝謂周勃丞相吾所重君爲我率諸侯就國今亦然也純受詔而去至鄴賜穀萬斛

東觀漢記永平十五上欲征匈奴與竇固等議出兵調度皆以爲塞外草美馬不須穀按軍出塞無穀馬故事馬防言當與穀上曰何以言之防對曰宣宗時五將出征案其奏言匈奴侯騎得漢矢見其中有粟知漢兵出以故引去以是言之馬當與穀上善其用意微繳卽下調馬穀防遂見親也宋書符瑞志漢章帝元和中嘉禾生郡國

古今注和帝元年嘉禾生濟陰城陽一莖九穗

魯恭拜中牟令嘉禾生庭中

後漢書黃香傳香爲尚書令延光元年遷魏郡太守郡舊有內外園田常與人分種收穀歲數千斛香曰田令商者不農王制仕者不耕伐冰祿食之人不與百姓爭利乃悉以賦人課令耕種時被水年饑乃分俸祿及所得賞賜班贍貧者於是豐富之家各出義穀助官粟貸荒民獲全

宋書符瑞志漢安帝延光二年六月嘉禾生九真百十六本七百六十八穗

後漢書淳于恭傳恭字孟孫北海淳于人也善說老子清靜不慕榮名家有山田果樹人或侵盜輒助爲收採又見偷刈禾者恭念其愧因伏草中盜去乃起里落化之

承宮傳宮遭天下喪亂遂將諸生避地漢中後與妻子之蒙陰山肆力耕種禾黍將熟人有認之者宮不與計推之而去由是顯名

蔡茂傳茂初在廣漢夢坐大殿極上有三穗禾茂跳取之得其中穗輒復失之以問主簿郭賀賀離席慶曰大殿者官府之形象也極而有禾人臣之上祿也取中穗是中台之位也於字禾失爲秩雖曰失之乃所以得祿秩也衰職有闕君其補之旬月而茂徵焉

南蠻傳順桓之世板楯數反太守蜀郡趙溫恩信降服於是宕渠出九穗之禾

宋書符瑞志漢桓帝建和二年四月嘉禾生大司農帑

漢桓帝永康元年八月嘉禾生魏郡

鄭康成別傳元年十六號曰神童民有獻嘉禾者欲表府文辭鄙略元爲改作又著頌一篇侯高其才爲修冠禮焉

後漢書董卓傳卓築塢於郿高厚七丈號曰萬歲塢積穀爲三十年儲自云事成雄據天下不成守此足以畢老

魏武帝集袁渙爲魏國郎中令卒太祖一教以太倉穀千斛賜郎中令之家一教以垣下穀千斛與曜卿家外不解其意教曰以太倉穀者官法也以垣下穀者親舊也

述異記吳桓王時金陵雨五穀於貧民家富者則不雨矣

魏志甄皇后傳后三歲失父後天下兵亂加以饑饉百姓皆賣金銀珠玉寶物時后家大有儲穀頗以買之后年十餘歲白母曰今世亂而多買寶物匹夫無罪懷璧爲罪左右皆饑乏不如以穀振給

親族鄰里廣爲恩惠舉家稱善卽從后言

宋書符瑞志魏文帝黃初元年郡國三言嘉禾生

吳志孫權傳黃龍三年由拳野稻自生改爲禾興縣冬十月會稽南始平言嘉禾生十二月丁卯大赦改明年元也

宋書符瑞志吳孫權黃龍三年十月會稽南始平言嘉禾生

孫權赤烏七年秋宛陵言嘉禾生

晉書宣帝本紀諸葛亮病卒諸將燒營遁走帝行其營壘觀其遺事獲其圖書糧穀甚衆帝審其必死曰天下奇才也辛毗以爲尙未可知帝曰軍家所重兵書密計兵馬糧穀今皆棄之豈有人捐其五臟而可以生乎

魏志陳留王傳咸熙元年安彌福祿縣各言嘉禾生

羊祜別傳祜周行賊境七百餘里往返四十餘日刈賊穀以爲軍糧皆計頃畝送絹還直使如穀價
宋書符瑞志晉武帝泰始八年十月瀘水胡王彭護獻嘉禾

晉武帝泰康四年十二月嘉禾生扶風雍

太康五年七月嘉禾生豫章南昌

太康八年閏

三月嘉禾生東裔校尉園

太康八年九月嘉禾生東萊掖

晉愍帝建興元年八月嘉禾生襄平縣一莖七穗

建興二年六月嘉禾生平州治三實同蒂

建興三年七月嘉禾生襄平縣異體同蒂

晉起居注武帝世嘉禾三生元帝世嘉禾三生其莖七穗

晉中興徵祥說王者德盛則嘉禾生仁卉出義熙十三年鞏縣民宋曜於田中獲嘉禾九穗同本九

穗九州是時羌平六合寧

晉書王如傳如大掠沔漢進逼襄陽征南山簡使將趙同帥師擊之經年不能克智力並屈遂嬰城

自守王澄帥軍赴京都如邀擊破之如連年種穀皆化爲莠軍士大饑

朱沖傳沖好學而貧常以耕藝爲事鄰人有牛犯其禾稼沖屢持芻送牛而無恨色主愧之乃不復

爲暴

王隱晉書鄧攸爲吳郡太守吳人饑荒輒出臺倉穀賑之後被劾攸曰善不可爲也

會稽典錄沈勳身自耕耘以供衣食有盜穫其禾勳見而避之明日更收拾送致其家盜愧懼齋還不受
謝承遷吳郡督郵歲穰嘉禾六穗生於部屬

拾遺記崑崙山第三層有禾稂一株滿車

續搜神記廬陵巴丘人周晃者世以田作爲業年常田數十頃家漸富晉太元初秋收已過穫刈都畢明旦至田禾悉復滿湛然如先卽便更穫盈倉於此遂巨富

異苑涼州張駿字公彥九年天雨五穀於武威燉煌植之悉生因名天麥

宋書符瑞志宋文帝元嘉二年十月嘉禾生潁川陽翟太守垣苗以聞
元嘉九年三月嘉禾生

義陽豫州刺史長沙王義欣以獻
元嘉十年八月嘉禾生汝南苞信豫州刺史長沙王義欣以

獻
元嘉十一年八月嘉禾一莖九穗生北汝陰太守王元謨以獻
元嘉二十年六月嘉禾

一莖九穗生上庸新安梁州刺史劉道以獻
元嘉二十一年嘉禾生新野鄧縣雍州刺史蕭思

話以獻
元嘉二十二年六月嘉禾生藉田一莖九穗
元嘉二十二年七月癸酉嘉禾生平

鹵陵徐州刺史臧質以獻
元嘉二十二年九月嘉禾生太尉府田太尉江夏王義恭以聞

元嘉二十二年九月嘉禾生揚州東耕田刺史始興王濬以聞

元嘉二十二年嘉禾生華林園

百六十穗園丞陳襲祖以聞

元嘉二十二年嘉禾生潁川陽白豫州刺史趙伯符以獻

元

嘉二十三年七月乙丑嘉禾旅生藉田藉田令褚熙伯以聞

元嘉二十三年七月庚午嘉禾生

丹陽椒唐里揚州刺史始興王濬以聞

元嘉二十三年七月庚辰嘉禾生醴湖屯屯主王世宗

以聞

元嘉二十三年八月己酉嘉禾生華林園園丞陳襲祖以聞

元嘉二十三年九月庚

申嘉禾生沛郡蕭征北大將軍衡陽王義季以聞

元嘉二十三年嘉禾生江夏汝南荊州刺史

南譙王義宣以聞

元嘉二十四年七月乙卯嘉禾旅生華林園及景陽山園丞梅道念以聞

元嘉二十四年八月乙巳嘉禾生魚城內晉陵南徐州刺史廣陵王誕以聞

元嘉二十五年六

月壬寅嘉禾旅生華林園十株七百穗園丞梅道念以聞

元嘉二十五年六月壬子嘉禾生藉

田藉田令褚熙伯以獻

元嘉二十五年七月壬辰嘉禾生北海青冀三州刺史杜坦以獻

元嘉二十五年八月丙午嘉禾生太尉江夏王義恭果園江夏國典書令陳穎以聞

元嘉二十

五年八月壬子嘉禾生建康化義里令丘珍孫以獻

元嘉二十五年八月癸丑嘉禾生華林園

園丞梅道念以獻

元嘉二十五年十一月嘉禾生巴東荊州刺史南譙王義宣以聞

元嘉

二十六年五月癸酉嘉禾生建康禁中里揚州刺史始興王濬以獻

元嘉十六年六月甲寅嘉

禾生藉田藉田令褚熙伯以獻

元嘉二十六年七月嘉禾生巴東胸臆荊州刺史南譙王義宣

以獻

元嘉二十七年十月己丑嘉禾生北海青州刺史杜坦以聞

元嘉二十八年七月戊

戌嘉禾生廣陵邵伯埭兗州刺史江夏王義恭以聞

孝武帝孝建二年六月癸巳嘉禾二株生江夏王義恭東田

孝建二年九月己丑朔嘉禾異畝

同穎生齊郡廣饒縣

孝建三年七月庚午嘉禾生吳興武康

孝武帝大明元年五月戊午嘉禾一株五莖生清暑殿鵲尾中

大明元年八月甲申嘉禾生青

州異根同穗

大明三年九月乙亥嘉禾生北海都昌縣青州刺史顏師伯以聞

大明六年

八月辛未嘉禾生樂陵青冀二州刺史劉道隆以聞

明帝泰始二年七月己酉嘉禾生會稽永興太守巴陵王休若以獻

南史高昌國傳高昌國地高燥寒暑與益州相似備植九穀

南齊書祥瑞志永明元年正月新蔡郡固始縣獲嘉禾一莖五穗八月新蔡縣獲嘉禾二莖九穗一莖七穗十一月固始縣獲嘉禾一莖九穗 二年八月梁郡睢陽縣界野田中獲嘉禾一莖二十

三穗 五年九月莒縣獲嘉禾一株 十年六月海陵齊昌縣獲嘉禾一莖六穗 十一年

九月睢陽縣田中獲嘉禾一株

梁書武帝本紀天監四年五月辛卯建康縣朔陰里生嘉禾一莖十二穗 六年九月嘉禾一莖

九穗生江陵縣

中大通三年吳興郡生野穀堪食

大同六年九月始平太守崔碩表獻嘉禾一莖十二穗

南史梁宗室傳始興忠武王憺子昉爲吳興太守郡累不稔中大通三年野穀生武康凡二十二處

自此豐穰昉製嘉穀頌以聞

獨異志梁武太清元年岳陽郡民王保幸種田六頃悉生嘉禾

三國典略後梁有何山者其射之妙人莫能及有鳥巢於庭樹蕭簣惡之謂山曰射中者賜一車穀